

Informaziuns impurtontas

Informaziuns

Tuttas informaziuns davart il Cuors romontsch ein d'anflar sin nossa pagina d'internet www.cuorsromontsch.ch. Quest fegl duei resumar dals pli impurtontas.

Avertura dil Cuors cun referat biling

Dumengia, ils 15 da fenadur 2018, allas 15.30 ell'aula dalla Casa Sentupada (claustra dallas soras dominicanas) a Glion.

Entschatta dil Cuors

Tuttas participontas e tuts participonts serimnan gl'emprem gliendisdis, ils 16-07-2018, allas 9.00 ell'aula dalla Casa Sentupada. Cheu vegn dau las informaziuns organisatoricas las pli impurtontas.

Finiziun dil Cuors

Externs: venderdis, ils 27-07-2018, suenter la fiasta da ventschidas (circa allas 24.00)
Interns: sonda, ils 28-07-2018 allas 9.00

Sera finala, venderdis, ils 27-07-2018

18.15 tscheina

20.00 program creativ e recreativ

Exnum reservar quella sera! Hosps ein fetg beinvegni! Far aschi bien ed envidar individualmein.

Via alla Casa Sentupada

Il plan culla via d'access alla Casa Sentupada ei aschuntaus.

Access cun sutgas da rodas

La Casa Sentupada ei accessibla cun sutga da rodas.

Renconuschientscha dil cuors

Nies cuors vegn reconuschius sco cuors da perfecziun entras il cantun Grischun peruttas scolastas e tuts scolasts, cumpriu las mussadras ed ils mussaders da scoletta, sco era entras il Center svizzer da perfecziun dallas scolastas e dils scolasts da scola media (CPS).

Mintga participonta e participont retscheiva in diplom alla fin dil cuors. Ina certificaziun ei pusseviva sin damonda (certificaziun tenor las directivas dil RECOL, Rom europeè communabel per lungatgs; livels A1, A2, B1, B2, C1, C2).

Program accumpignont

Duront las duas jamnas vegn purschii in program accumpignont complementar che cuntegn p. ex. ils pli differents referats, concerts, excursiuns, visetas da museums eav. Il program accumpignont ei publicaus sin nossa pagina d'internet.

Annunzia

L'annunzia succeda via internet ni sin damonda cul cedel d'annunzia che sa vegnir empustaus sur cuorsromontsch@frr.ch. L'annunzia ei valeivla pér suenter il pagament dalla taxa da cuors.

Segiradas

Segirada ei caussa da mintgina e mintgin.

Taglia da plivaleta

Dapertut ei la taglia da plivaleta cumprida.

Interns/Externs

Interns stat per personas che habiteschan en Casa Sentupada durant il cuors.

Externs stat per personas che habiteschan buc en Casa Sentupada.

Singulas tschaveras

Era participonts externs san prender singulas tschaveras ella Casa Sentupada. Tals giavischs ein d'annunziar culla la gliesta che vegn a circular durant il cuors mintgamai il gliendisdis per l'entira jamna.

Bubrondas

Durant igl entir cuors san las consumaziuns da bubrondas e caffè vegnir nudadas en ina gliesta. Alla fin dil cuors vegnan quellas consumaziuns incassadas en daner blut.

Carta da hosps

Mintga participonta e mintga participont che pren dimora en Casa Sentupada retscheiva igl emprend di ina carta da hosps. Quella carta ei persunalisada cun num ed adressa e dat access gratuit:

- allas pendicularas da Breil e Sursaissa
- el bogn liber a Glion, lag da far bogn a Sursaissa, Breil e Lumnezia (Davos Munts)
- el Museum Regional a Glion ed ella casa d'Angel a Lumbrein
- al Minigolf a Breil

Excursiun

En mintga classa curescha ina gliesta per separticipar all'excursiun dils 25-07. Nus supplichein da prender cun Vus calzera adattai per l'excursiun.

Diever da computers

El complex da scola dat ei computers. Il plaid-clav pigl access vegn deponius leu.

Stizun da cudischs

Durant il cuors purschin nus ina selecziun da cudischs ch'ins sa comprar. Plinavon dat ei la pusseivladad d'encurir cudischs ed empustar quels online sur la pagina dalla Lia Rumantscha (www.liarumantscha.ch/butia). Ils cudischs empustai vegnan furni als participonts dil cuors senza quintar il porto.

Fotografias/film

Ils 18-07 vegn fatg ina fotografia da tut ils participonts e da mintga classa separadamein. Il termin da fotografar ei fixaus per mintga classa. Scolastas e scolasts da classa dattan sclariment davart ils detagls.

Durant il cuors vegn adina puspei fotografau e filmau. Sche Vus vuleis buca ch'ei vegni publicau fotografias ni film, supplichein nus d'informar nus.

Tgauns

Igl ei buca pusseivel da prender tgauns al Cuors da romontsch.